

Bosna i Hercegovina
 Federacija Bosne i Hercegovine
 Unsko - sanski kanton
 OPĆINA KLJUČ
 OPĆINSKI NAČELNIK



Bosnia and Herzegovina
 Federation of Bosnia and Herzegovina
 The Una - Sana Canton
 MUNICIPALITY OF KLJUČ
 THE MAYOR OF THE MUNICIPALITY

Broj: 02-03-754/24
 Ključ, 14.10.2024. godine

Na osnovu člana 9. Zakona o javnom redu i miru („Službeni glasnik USK“, broj: 15/10), a rješavajući po zahtjevu Crvenog križa Općine Ključ, broj: 75/2024 od 14.10.2024. godine za izdavanje odobrenja za prikupljanje dobrovoljnih priloga za pomoć nastradalim područjima usljed prirodne nesreće, Općinski načelnik Općine Ključ donosi, sljedeće:

RJEŠENJE

1. ODOBRAVA SE Crvenom križu Općine Ključ da može prikupljati dobrovoljne priloge u vidu novčanih sredstava za nabavku građevinskog materijala kao i dobrovoljne priloge u vidu građevinskog materijala za izgradnju stambenih objekata u nastradalim područjima.
2. Akcija prikupljanja će trajati od 14.10. do 14.12.2024. godine.
3. Dobrovoljni novčani prilog će se uplaćivati na žiro račun Crvenog križa Općine Ključ, otvoren kod Sparkasse banke, na broj: 199 044 000 201 22 66, SWIFT CODE: ABSBBA22XXX, IBAN: BA 39 199 044 000 201 22 66 sa naznakom – pomoć nastradalim područjima.
4. Praćenje i kontrolu prikupljanja i trošenja prikupljenog priloga vršit će radno tijelo u sastavu: Armin Čahut – predstavnik Jedinog općinskog organa uprave Općine Ključ, Elvir Risović – predstavnik privrednika, Ibrahim Kadić – sekretar Udruženja privrednika općine Ključ i Mirela Pudić – sekretar Crvenog križa Općine Ključ.

Obrazloženje

Nakon održanog zajedničkog radnog sastanka predstavnika Jedinog općinskog organa uprave Općine Ključ, kantonalne i lokalne vlasti, privrednika, organizacija civilnog društva i donesenog zajedničkog zaključka da se pristupi sistemskoj organizaciji prikupljanja novčanih sredstava i ostalih dobrovoljnih priloga putem Crvenog križa Općine Ključ za pomoć nastradalim područjima usljed prirodne nesreće, Crveni križ Općine Ključ uputio je zahtjev, broj: 75/2024 od 14.10.2024. godine za izdavanje odobrenja za prikupljanje novčanih sredstava i dobrovoljnih priloga. Novčana sredstva će se prikupljati u svrhu nabavke građevinskog materijala, kao i dobrovoljni prilogi u vidu građevinskog materijala za izgradnju porodičnih stambenih objekata u stradalim područjima.

Na navedenom sastanku, također je donesen zaključak da kontrolu prikupljanja i utroška sredstava vrši radno tijelo iz tačke 4. dispozitiva Rješenja.

Akcija prikupljanja novčanih sredstava i priloga u vidu građevinskog materijala će trajati od 14.10. do 14.12.2024. godine.

Imajući u vidu opravdanost zahtjeva, riješeno je kao u dispozitivu ovog Rješenja.

Pouka o pravnom lijeku

Protiv ovog Rješenja može se izjaviti žalba Kantonalnom ministarstvu pravde Bihać u roku od 15 dana od dana prijema Rješenja. Žalba ne odlaže izvršenje Rješenja.

SH/AH

DOSTAVLJENO:

1. Crveni križ Općine Ključ,
2. Policijska stanica Ključ,
3. Članovima radnog tijela,
4. A/A.-



OPĆINSKI NAČELNIK

Zukanović Nedžad, prof.